

TEZAUUR LITURGIC
4 SEPTEMBRIE

ACATISTUL
SF. PROROC
MOISE



MOSCOVA, 2000



Акафист святому пророку Моисею

Кондак 1

Избранный Богом на служение пророческое, подвигами твоими Творца и Господа прославивый, промысел благий о спасении рода человеческого явлей, просиявый пламенной ревностью по Бозе Вседержителе, святостию жития и чудесы, похвальная восписуем ти, пророче Божий Моисее. Ты же, яко имея дерзновение велие у Святыя Троицы, предстательством твоим небесным помогай нам, да зовем ти :
Радуйся, честный и славный пророче, Боговидче Моисее!

Икос 1

Архангелов и ангелов Царь и всея твари Зиждитель, времена и лета в деснице своей положивый и судьбы народов и царств устраяяй, егда восхоте извести народ израильский из страны рабства, от корени праведнаго произрасти тя, богоносный Моисее, благодатию Своею озари и посла тя в землю Египетскую, да совершиши исход великий во страну Обетованную и образ спасения нашего сим явиши. Темже благодаряще Творца нашего,

славословим и тя, великаго пророка Божия, да зовем ти:

Радуйся, избранниче Божий, делу спасения нашего послуживый!

Радуйся, яко не бе у Израиля более пророка, тебе равнаго! [Втор. 34: 10-11]

Радуйся, высокий посредниче закона богодарованнаго!

Радуйся, грядущее воплощение Сына Божия проповедевый!

Радуйся, прообраз Христа – Спасителя в житии и трудех твоих явлей!

Радуйся, венцем победным паче звезд на небеси блистай!

Радуйся, в неизреченной славе Творца мира ныне созерцай!

Радуйся, со всеми ангелы и святыми хвалу Ему воспевай!

Радуйся, честный славный Пророче, Боговидче Моисее!

Кондак 2

Видеста благочестивыя родителя твоя, святыи пророче, слуг фараоновых, младенцев израильских избивающих, потщастася сохранить тя до времени и Господем вдохновляема положиста тя в кошницу и в воды реки Нила ввергоста и сим живот твой в руке

Вседержителя предавающа, воспеста Ему:
Аллилуия!

Кондак 2 (вариант 2)

Видеста благочестивыя родителя твоя,
прехвальный Моисее, слуг фараоновых,
младенцев израильских избивающих,
потщастся сохранить тя до времени и Господем
вдохновляема положиста тя в кошницу и в воды
реци Нила ввергоста и сим живот твой в руке
Вседержителя предаста. Мы же , сия ныне
вспоминающе, просим тя, святой пророче,
всеблагощным предстательством твоим сохрани
нас среди волн мирских соблазнов и настави
достойно и праведно воспевати Богу: Аллилуия!

Икос 2

Разумом свыше просвещена бысть дщи фараона
Египетскаго, егда узревши тя по реце Нилу в
кошнице плывуща, взяла есть тя в чертоги своя
и, аки сына, воспита. Ты же, всеславный
Моисее, веру и обычаи народа своего сохраняя,
возрастал еси в трезвении и богомыслии, любовь
всяческую к соплеменником своим являя. Мы
же вся сия воспевающе, Господа хвалим и поем
ти сице:

Радуйся, Промыслом Божиим в летах
младенчества твоего от смерти исхищенный!
Радуйся, из воды извлеченный и сего ради

Моисеем нареченный!

Радуйся, от мудрья дочери фараони милости приемый!

Радуйся, материю твоею вскормленный и возвращенный!

Радуйся, вере Авраама, Исаака и Иакова ею наученный!

Радуйся, измлада Бога отцев твоих всею душею возлюбивый!

Радуйся, истиною Божию с лет юных просвещенный!

Радуйся, от утра жизни твоея (пелен младнческих) для служения пророческаго Господем приуготовленный!

Радуйся, честный и славный пророче, Боговидче Моисее!

Кондак 3

Силою и благодатию Духа Святаго возрастал еси в вере, богомудрый Моисее, и верою велик быв, отвержися нарицатися сын дочери фараони: паче же изволи страдати с людьми Божии, неже имети временную греха сладость, большее богатств египетских вменил еси себе верность Вседержителеви, памятуя о мздовоздаянии. [Евр 11:24-26] Сего ради Господь понуди тя, избранника Своего, покинути землю египетскую и в пределы Мадиамския на многая лета вселитися. Ты же на милосердное промышление

Всеблагаго Творца Нашего выну уповая,
неустанно взывал еси Ему : Аллилуия!

Икос 3

Имея велие благоволение к тебе, о преславный
Моисее, видения пречуднаго тя сподоби
Господь, егда узрел еси в пустыни купину
неопально горящую и услышал еси глас Божий,
откровение Творца Нашего (о сущности Своей)
возвещаяй ти и итти ти в землю Египетскую
повелеваяй, дабы вывести народ избранный в
страну обетованную. Сего же ради дарова ти
Господь силу чудеса и знамения творити и со
дне того почи на тя велия благодать Божия. Мы
же веру твою ко Господу и надежду на велию
милость Его воспевающе, глаголем ти сие:
Радуйся, Предвечному и Присносущному Богу
поклонивыйся!

Радуйся, в живое общение с Господем
вступивый!

Радуйся, вещания Божии «уста ко устам»
принимавый! (Числ. 12;8)!

Радуйся, мир Божий наитием Духа Святого
получивый!

Радуйся, светом Божественным умы и сердца
наша озаряяй!

Радуйся, всех нас к подвигам благочестия ныне
призываяй!

Радуйся, от заблуждений духовных нас

благодатно исцеляяй!

Радуйся, от путей погибельных нас преславно удаляяй!

Радуйся, честный и славный Пророче, Боговидче Моисее!

Кондак 4

Бури помышлений сумнительных бежавше, досточудный Моисее, повеление Божие исполнити желая, потекл еси в землю Египетскую, и на пути сем сретал еси брата твоего Аарона, иже от дни того бе помощник и соратник твой, помагаяй ти в велицем служении твоём. Мы же, вся сия ныне поминюще, просим тя, всехвальный пророче, утверди и нас в вере и верности, яже к Богу, да уповая на всемогущество и милость укрепляющего ны Господа нашего, непрестанно вопием Ему: Аллилуия!

Икос 4

Слышав Мернемтах царь Египетский повеление Божие, о еже отпустить народ израильский в пустыню для принесения жертвы Богу, разъярися зело и повеле предати израильтян работе горцев. Ты же, о святыи Моисее, умоляя еси Создателя нашего (о еже согрети сердце фараоново и) чудо исхода совершити; веруя, яко не оставит Господь тя и народ твой. Мы же,

благоговейно святую память твою чтуще,
таковые похвалы тебе приносим:

Радуйся, великий посланиче Царя Небеснаго и
провозвестниче повелений Его!

Радуйся, скорбящему народу израильскому
милость Божию принесший !

Радуйся, волны сомнений о камень веры
разбиваяй!

Радуйся, горняя, а не земная, мудрствовати нас
научаяй!

Радуйся, пламень молитвы в нас возжигаяй!

Радуйся, приходящих к тебе от рабства диаволу
свобождаяй!

Радуйся, утешение и вспоможение всем верным
являяй!

Радуйся, честный и славный Пророче, Боговидче
Моисее!

Кондак 5

Боготечней звезде уподобился еси, о святыи
пророче, егда свершишася казни египетския и
настало есть время покинути народу
израильскому страну рабства. Тогда же во
знамение и память исхода великаго повелел еси
заклати агнцев и кровию агнчею покрыти двери
жилиц израильских, знаменующе сим грядущия
искупительныя страдания Сына Божия. Мы же,
зряще ныне преславное прообразов сбытие, в
радости духовней Господеви поим: Аллилуия!

Икос 5

Видя воинство фараоново народ твой
настигающее, возвел еси, богомудрый Моисее,
руце твои горе и усердно молил еси
Вседержителя чудо свершители и, егда простерл
еси жезл твой на море, разтупишася воды сюду
и сюду и проидоша сынове израилеви среди
морья, яко по суше, воды же им быша одесную и
ошую, египтяне же потонуша. Мы вся сия
слышаше, зовем ти тако:

Радуйся, яко по молитве твоей яви Господь чудо
преславное!

Радуйся, естество водное послушным быти тебе
сотворивый!

Радуйся, знаменьями и чудесы Божественную
истину утвердивый!

Радуйся, переходом чрез море прообраз святого
крещения явивый!

Радуйся, велие славословие Всемогущему
Господу воздавый!

Радуйся, из глубины греховней к высоте
духовней возводяй!

Радуйся, праведный гнев Божий молитвами
Твоими умягчаяй!

Радуйся, честный и славный Пророче, Боговидче
Моисее!

Кондак 6

Проповедника добрых дел явил еси себе, богоблаженне пророче, ты бо ревнуя о чистоте веры, потщался еси труды многими лукавые нравы и обычаи нечестивых сынов израилевых исправить, боговедению бо и благочестию научал еси паству твою присно, наставляя ни одесную, ни ошую уклоняться (Втор. 28: 14) от пути царственного (Числ. 20: 17) добродетелей богоугодных, паче же образом жития своего наставляя на путь спасения, да выну вопиют вси Вседержителю Богу: Аллилуйя!

Кондак 6 (вариант 2)

Проповедника добрых дел явил еси себе, богоблаженне пророче, ты бо ревнуя о чистоте веры, потщался еси труды многими лукавые нравы и обычаи нечестивых сынов израилевых исправить, боговедению бо и благочестию научал еси паству твою присно, наставляя ни одесную, ни ошую уклоняться (Втор. 28: 14) от пути царственного (Числ. 20: 17) добродетелей богоугодных, паче же образом жития своего наставляя на путь спасения. Мы же ныне молим тя, святой Моисее, предстательством твоим небесным испроси и нам сия боголюбезныя добродетели, да не поработимся страстем греховным, но благочестно воспоем Спасителю Нашему: Аллилуйя!

Икос 6

Возсияла есть на тебе слава и благодать
Господня, о прехвальный Моисее, егда стоящу
тебе на горе Фейранстей и к Небу руце твои в
молитве крестообразно воздвигающу,
предстательства твоего ради дарова Господь
победу сыновам израилевым и амаликову силу
победил еси. Мы же, воспевающе чудеса Божия,
явленная тобою и на твое предстательство
уповающе, глаголим ти сице:

Радуйся, прежде страданий Сына Божия
благодатную силу Креста Господня явлей!

Радуйся, яко и Господь во всем послуша тя и по
прошению твоему вся твори!

Радуйся, яко ударом жезла о скалу воду
жаждущему народу источил еси!

Радуйся, яко сим прообраз Христа, живот
вечный источающаго, показал еси!

Радуйся, источниче Божий, жажду духовную
многих утоливый!

Радуйся, неверующих в Промысел Божий в вере
утверждай!

Радуйся, немощных духом силою благодати
Божией исполняй!

Радуйся, изнемогающих от уныния и скорбей,
всеоружием надежды облакай!

Радуйся, честный и славный Пророче, Боговидче
Моисее!

Кондак 7

Хотяй всем человеком спастися и в разум истины приити Всеблагий и Многомилостивый Создатель наш даровал чрез тебе, святыи Моисее, скрижали Завета Своего народу твоему, а такожде на вся времена до скончания века сего заповедьми своими просветил есть вся люди Творца истинно чтущия и нелицемерно вопиющия Ему: Аллилуия!

Икос 7

Новыя и преславныя повеления Божия со тщанием и любовью исполнял еси, о преблаженный пророче, гласу Божию внимаая, скинию, идеже быста жертвенник и ковчег завета, создал еси, и такожде служение первосвященническое, священническое (иерейское; Сир. 45:8) и левитское устроил еси во Славу Божию. Тем же прозревающе будущее, яко настоящее, о пришествии в мир Спасителя возвестил еси. Мы же, вся сия ныне поминающе, (благодарственно) вопием ти сице:

Радуйся, о Славе Божии непрестанно ревновавый!

Радуйся, Ковчег Завета образы херувимов украсивый!

Радуйся, сим твердое основание иконопочитанию положивый!

Радуйся, о безсеменном рождении Сына Божия

от Неискусобрачных возвестивый!

Радуйся, десятию заповедьми во веки вся народы духовно обогощая!

Радуйся, заповеди сия неленностно исполняти нас наставляя!

Радуйся, Господеви, а не человеком угождати нас научая;

Радуйся, от искушений и соблазнов преславно нас избавляя !

Радуйся, честный и славный Пророче, Боговидче Моисее !

Кондак 8

Странно бе ти, всеславный пророче, сошедши с горы , идеже сам Господь возвеща ти волю Свою, видети (брата твоего Аарона) и народ вокруг тельца златаго пения и пляски богомерзкия совершающих / аго; ты же милости ради к согрешившим соплеменником твоим умолял еси Всемогущего Бога простити и помиловати их. Мы же сия поминающе, молим тя: от пристрастия к земным богатствам нас исцели и сокровища нетленные искати научи ны, (бедным отраду и вспоможение даруй и богатых к милосердию и благотворению подвигни), да поим просвещающему нас и тобою благодееющему нам Господу нашему : Аллилуйя!

Икос 8

Весь светом небесным серафимския любве
пламенел еси ко Господу, преславный пророче,
сего же ради Творец и Бог дивныя и чудныя
знамения славы яви чрез тя, но паче всего
дивно бысть ве-лие чудо Божие, егда ты, святой
Моисее, на горе Синайстей узрел еси
Предвечнаго Господа нашего во славе Своея
пред тобою прошедшего (и тонкий глас
Божественный сподобился еси во мраце и вихре
слышати) и, аки слуга (служитель) верный,
потекл еси во след Владыки твоего. Мы же велие
дезновение и любовь твою ко Господу и велию
милость Его к тебе воспевающе, в смирении
сердец наших глаголем ти таковая:

Радуйся, во всем житии твоём от света к свету
возходивый!

Радуйся, благоволение пред лицом Вседержителя
стяжавый!

Радуйся, самовидче неизреченнаго Господнего
явления !

Радуйся, созерцателю лучезарнаго
Божественнаго видения!

Радуйся, причастниче огнезрачнаго
трисолнечнаго сияния!

Радуйся, в смертном телеси, бессмертия зарею
просвещенный!

Радуйся, любити Бога и волю Его творити нас

научай!

Радуйся, миром и кротостию души наши
наполняяй!

Радуйся, честный и славный Пророче, Боговидче
Моисее!

Кондак 9

Всякия похвалы достойни суть житие и труды
твоя, богоносне Моисее, яко странствие
сороколетнее с народом твоим в пустынях
Синайских прошел еси, честный пророче, терпя
скорбь велию не точию от неблагодарных и
злонравных соплеменников твоих, но от сродник
и ближних твоих, не преставая молити Творца и
Бога нашего помиловати паству твою и
спасение вечное ей даровати. Мы же вся сия
воспевающе, поем Господеви: Аллилуия!

Икос 9

Ветии многовещаннии не возмогут по
достоянию воспети подвиги и труды твоя, («
возлюбленный Богом и человеки»,
благословенный в памяти народов (Сир. 45: 1)),
святой и всехвальный пророче Моисее, яже ты
подъял еси славы Божия ради: Божественною
истиною народ израильский просветил еси и
вывел его из рабства египетскаго, Священное
Писание оставил нам еси, им же и мы ныне
просвещаемы, благодарим тя за велия труды

твоя и приносим ти похвалы сия:

Радуйся, самовидче величия Божия, паче царей и славных земли от Господа на веки препрославленный (Сир. 45: 3)!

Радуйся, сокровище премудрости чадом Божиим явлей!

Радуйся, им же народ Божий (род христианский) умудривый!

Радуйся, яко тобою ум наш в Богомыслии поучается!

Радуйся, яко тобою мрак неведения преславно прогоняется!

Радуйся, яко тобою истина Христова присно утверждается!

Радуйся, от востока и запада хвалимый и превозносимый!

Радуйся, от всех концов земли величаемый и прославляемый!

Радуйся, честный и славный Пророче, Боговидче Моисее !

Кондак 10

Спасительного подвига твоего зряще течение, радуемся и веселимся о тебе, пророче святыи, яко в старости добрей свято и праведно жизнь земную о Господе скончал еси. Ты бо на землю обетованную с горы Нево взирая, предал еси дух твой в руце Божии. Сего ради (святое (блаженное) успение твое славяще,) молим тя, да

егда и мы сном смертным усыпати начнем,
умоли Господа кротко душу нашу от тела
отделить и бесовския власти ю избавити,
спасения вечнаго нас удостоити, да зовем
Господеви в радости святых: Аллилуйя!

Икос 10

Стеною молитв твоих небесных, святой пророче
Божий, защити нас от враг видимых и
невидимых, помози нам во скорбех и нуждах
наших и предстательством твоим благомошным
избави нас от лютых бед и напастей бесовских,
утверди сердца наша по Бозе горети и
нелицемерно ближних наших любити нас научи.
Мы же твое предстательство воспевающе,
глаголем ти сие:

Радуйся, верный служителю и ближний друже
Господень!

Радуйся, путей покаяния и спасения мудрый
сказателю!

Радуйся, кротких и благих нравов
благоискусный насадителю!

Радуйся, нечестивых и душетленных обычаев
неуклонный искоренителю!

Радуйся, от похотей плотских и страстей нас
отвращай!

Радуйся, дух милосердия в сердцах наших
воскресаяй!

Радуйся, имя твое призывющим отраду (

радость) велию подаваяй !

Радуйся, за вся Творца благодарити нас наставляяй!

Радуйся, честный и славный пророче, Боговидче Моисее!

Кондак 11

Пение непрестанное Творцу и Богу нашему паче иных пророк древних принесл еси, всеславный Моисее, и велие дерзновение обрел еси пред престолом Всесвятыя Троицы; тем же ныне молим тя, о превеликий угодниче Божий, изведи нас из рабства греховнаго в свободу чад Божиих, просвети сердце наше и ум наш очисти, да сподобимся купно с тобою воспевати Богу: Аллилуия!

Икос 11

Свет нетварный и сияние Божественное сподобился еси видети, богоблаженный пророче, егда предста купно с Илиею и поклонися, аки слуга благоговейный, Преобразившемуся на горе Фаворе Господу нашему Иисусу Христу и глагола еси Ему исход Его, иже скончати во Иерусалиме, [Лк 9:31] ;о Божественней природе Спасителя нашего свидетельствовал еси и учеников Господа нашего в сем уверил еси. Тем же ныне молим тя, святче Божий, светом фаворским озари души наша и прими от нас

величания сия:

Радуйся, об Искупительных страданиях Сына Божия вещавый!

Радуйся, яко чрез муки своя войдет Иисус во славу Свою преуказавый!

Радуйся, о безсмертии и всеобщем воскрешении из мертвых проповедавый!

Радуйся, сим истину (правду) учений пророческих о Мессии свидетельствуяй!

Радуйся, во истинней любви ко Христу всех нас утверждаяй!

Радуйся, от лености и нерадения о деле Божиим нас отвращаяй!

Радуйся, Правды Божией во всем мире утверждение!

Радуйся, (всех) истины взыскующих богославное озарение!

Радуйся, честный и славный пророче, Боговидче Моисее!

Кондак 12

Благодать и милость от Господа испроси нам, пророче Господень, се бо верою и любовью к тебе подвигаемы (пред образом святым твоим предстояще) ублажаем тя, заступника и покровителя нашего, и усердно молим тя: вознеси молитву твою ко Творцу и Богу Нашему и не престай умоляти Его благосердие, и испроси нам дар коемуждо потребен, да зовем

всех благих виновнику и подателю Богу:
Аллилуия!

Кондак 12 (вариант 2)

Благодать, данную ти от Бога ведуще,
всечестную память твою все радостно
празднуем, пророче святой Моисее, и, со
умилением сердечным притекаяюще ко святому
образу твоему, смиренно просим: сохрани
предстательством твоим пред Христом Господем
нашим Церковь Его Святую Православную от
всякаго озлобления, врагов видимых и
невидимых, огради заступлением твоим от
всякия козни страну нашу Российскую, да тихое
и безмолвное житие провождающе, вопием Богу:
Аллилуйя.

Икос 12

Поюще пение похвальное усты недостойными,
уповаем на милость Божию и твое, пророче
Божий Моисее, заступление и ходатайство за
нас грешных, молим тя: не престани молитися о
всех нас купно со сродники святыми твоими,
супружницею твоею Сепфорою, братом твоим
Аароном и сестрою твоею Мариам, да помилует
нас Господь вашего ходатайства ради. О сем
воздыхающе, пение похвальное тебе, угодниче
Божий, приносим:
Радуйся, фимиам молитв за нас ко Святей

Троице приносяй!

Радуйся, милосердие Бога-Отца к нам приклоняяй!

Радуйся, о спасении нашем Спасителя умоляяй!

Радуйся, плоды (дары) Духа Святаго стяжати нам помогаяй!

Радуйся, свято и праведно Богородицу почитати научаяй!

Радуйся, многоразличныя болезни пречудно исцеляяй!

Радуйся, всех нас в час смертный добропобедно укрепляяй!

Радуйся, чтущих память твою от всяких зол охраняяй !

Радуйся, честный и славный пророче, Боговидче Моисее!

Кондак 13

О предивный и преславный пророче Божий Моисее, прими малое сие моление наше, от любви душевныя тебе приносимое и умоли Господа Бога (Иисуса Христа) нашего «человеколюбиваго и милосерднаго, долготерпеливаго и многомилостиваго» (Исх.34:6) избавитися нам всех зол и напасти, да благочестне в веце сем проживем и блаженство вечное молитвами твоими обрящем, с тобою же благодарственно воспевающе Господеви:
Аллилуия!